




佛說解夏經 宋西天三藏朝散大夫試光祿卿明教大師法賢奉詔譯
佛說帝釋所問經 宋三藏法師法賢奉詔譯



清刻龍藏佛說法變相圖

二經同卷

佛說解夏經

佛說帝釋所問經

深五

佛說解夏經

深五

宋西天三藏朝散大夫試光祿卿明教大師法賢奉詔譯

如是我聞一時佛在王舍城迦蘭陀竹林精舍與五百苾芻衆俱皆是阿羅漢諸漏已盡所作已辦除諸重擔逮得已利盡諸有結心善解脫唯一苾芻現居學位世尊已爲授記見法得法當證滿果爾時世尊安居既滿當解夏時於十五日與苾芻衆敷座而坐會衆坐已時佛告苾芻衆言我今已得梵行寂靜是最後身以無上藥斷除諸病我之弟子

了知諸法皆已通達是故我今說解夏法諸
苾芻衆我於夏中所有身口意業汝等可忍
是時尊者舍利弗聞佛語已從座而起偏袒
右肩右膝著地合掌向佛而白佛言世尊如
佛所說我今已得梵行寂靜乃至身口意業
可忍者我等知佛身口意業無諸過失我等
苾芻今無可忍於意云何我佛世尊難調者
能調無止息者善爲止息無安隱者而善安
慰未寂靜者令得寂靜如來善了正道善說
正道開示正道乃至我等樂聲聞菩提者佛
爲善說令聲聞等如理修行而證聖果是故
我等於佛世尊身口意法而無可忍爾時尊
者舍利弗白佛言世尊我今對佛身口意業
所有不善求佛可忍佛告舍利弗汝今所有
身口意業我當忍可於意云何汝舍利弗具

戒多聞少欲知足斷諸煩惱發大精進安住
正念具等引慧聞慧捷慧利慧出離慧了達
慧廣大清淨慧甚深慧無等慧具大慧寶未
見者令見未調伏者令得調伏未聞法者而
爲說法具瞋恚者而令歡喜能爲四衆說法
無倦譬^{深五}如金輪王子而受灌頂繼紹王位依
法而治汝舍利弗亦復如是爲我之子受灌
頂法紹法王位如我所轉無上法輪如我漏
盡證得解脫是故汝舍利弗所有三業我今
忍可時舍利弗聞佛忍可投誠禮謝復白佛
言世尊如佛爲我忍可三業於此會中五百
苾芻身口意業所有不善唯願世尊亦如是
忍佛告舍利弗五百苾芻所有三業我亦可
忍於意云何此五百苾芻皆是阿羅漢諸漏
已盡所作已辦除諸重擔逮得已利盡諸有

結心善解脫唯一苾芻現居學位而此苾芻
我已授記見法得法當證滿果舍利弗是故
我於五百苾芻所有三業皆悉可忍爾時舍
利弗重白佛言世尊我與五百苾芻衆等所
有三業佛已可忍我今有疑當復啓請願佛
世尊爲我分別世尊此五百苾芻中幾苾芻
得三明法復幾苾芻得俱解脫復幾苾芻得
慧解脫佛告舍利弗此五百苾芻中九十苾
芻得三明法九十苾芻得俱解脫餘者苾芻
得慧解脫舍利弗如是苾芻盡諸煩惱皆住
真實爾時會中有一尊者名縛伽舍作如是
念我今對佛苾芻衆前以解夏伽陀伸於讚
歎是時尊者縛伽舍作是念已從座而起偏
袒右肩右膝著地合掌恭肅說伽陀曰
解夏十五日 清淨行律儀 五百苾芻衆

悉斷煩惱縛 皆盡諸漏法 而證聖果位
內寂外善調 解脫而離有 盡生死邊際
所作皆已辦 無明我慢結 斷盡無有餘
我佛最上尊 斷諸邪念法 及斷有漏法
善除愛病苦 愛滅不復生 離取大師子
盡諸有怖畏 唯我佛世尊 譬如金輪王
千子常圍遶 善治四天下 調伏四海邊
又如戰得勝 爲最上調御 聲聞得三明
離死法亦然 佛子皆如是 證滅不復生
我今禮法主 無上大日尊
是時縛伽舍苾芻說此伽陀已復還本座爾
時尊者舍利弗與諸苾芻聞佛宣說解夏之
法心生快利踊躍歡喜信受奉行

佛說解夏經